

Na osnovu Odluke Vijeća Prirodno-matematičkog fakulteta Univerziteta u Sarajevu od 07.12.2018. godine, Odluke Senata Univerziteta u Sarajevu od 19.12.2018. godine i člana 201. Statuta Univerziteta u Sarajevu, raspisuje se:

KONKURS/NATJEČAJ
za izbor nastavnika i saradnika na
Prirodno-matematičkom fakultetu
Univerziteta u Sarajevu

- **NASTAVNIK** u zvanju **REDOVNOG PROFESORA** za oblast: „**Fizička geografija**“ na Odsjeku za geografiju Prirodno-matematičkog fakulteta Univerziteta u Sarajevu - 1 izvršilac sa punim radnim vremenom;
- **NASTAVNIK** u zvanju **VANREDNOG PROFESORA** za oblasti: „**Opšta hemija**“ i „**Anorganska hemija**“ na Odsjeku za hemiju Prirodno-matematičkog fakulteta Univerziteta u Sarajevu - 1 izvršilac sa punim radnim vremenom;
- **NASTAVNIK** u zvanju **VANREDNOG PROFESORA** za oblasti: "**Regionalna geografija**" i "**Turizam**" na Odsjeku za geografiju Prirodno-matematičkog fakulteta Univerziteta u Sarajevu - 1 izvršilac sa punim radnim vremenom;
- **NASTAVNIK** u zvanju **VANREDNOG PROFESORA** za oblast: „**Elektronika**“ na Odsjeku za fiziku Prirodno-matematičkog fakulteta Univerziteta u Sarajevu - 1 izvršilac u obimu 10% nastavne norme;
- **NASTAVNIK** u zvanju **DOCENTA** za oblasti: „**Organska hemija**“ i „**Biohemija**“ na Odsjeku za hemiju Prirodno-matematičkog fakulteta Univerziteta u Sarajevu - 1 izvršilac sa punim radnim vremenom;
- **VIŠI ASISTENT** za oblast: „**Analitička hemija**“ na Odsjeku za hemiju Prirodno-matematičkog fakulteta Univerziteta u Sarajevu - 1 izvršilac sa punim radnim vremenom;

Pored općih zakonskih uvjeta, potrebno je da kandidat ispunjava uvjete utvrđene članom 96. Zakona o visokom obrazovanju ("Službene novine Kantona Sarajevo", broj 33/17) i članom 194. Statuta Univerziteta u Sarajevu.

Uz prijavu na konkurs za izbor akademskog osoblja u naučno-nastavna zvanja, kandidati, **ovisno o zvanju za koje se prijavljuju, prilažu dokaze da ispunjavaju minimalne uvjete za izbor akademskog osoblja** u naučno-nastavna zvanja na visokoškolskoj ustanovi, kako slijedi:

- **redovni profesor:** proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova iz oblasti za koju se bira objavljenih u priznatim publikacijama koje se nalaze u relevantnim naučnim bazama podataka i originalni stručni uspjeh kao što je projekt, patent ili originalni metod, sve nakon izbora u zvanje vanrednog profesora, te uspješno završeno mentorstvo najmanje po jednom kandidatu za stepen drugog i trećeg ciklusa studija.
- **vanredni profesor:** proveden najmanje jedan izborni period u zvanju docenta, najmanje pet naučnih radova iz oblasti za koju se bira objavljenih u priznatim publikacijama koje se nalaze u relevantnim naučnim bazama podataka, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, te uspješno završeno mentorstvo najmanje jednom kandidatu za stepen drugog ciklusa studija odnosno reformiranog/integriranog studija,
- **docent:** naučni stepen doktora u oblasti za koju se bira, najmanje tri naučna rada iz oblasti za koju se bira objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti,
- **viši asistent:** stepen drugog ciklusa studija, proveden izborni period u zvanju asistenta i sa najnižom prosječnom ocjenom i na prvom i na drugom ciklusu studija 8 ili 3,5,

Kandidati za izbor nastavnika dostavljaju:

- Prijavu za koje mjesto nastavnika konkurišu uz obavezu navođenja priložene dokumentacije;
- Biografiju/životopis,
- Ovjerene kopije diploma matičnog fakulteta – odgovarajućeg studija za oblast na koju konkuriše (visoke stručne spreme, naučnog stepena magistra i naučnog stepena doktora, odnosno diplome I (prvog), II (drugog) i III (trećeg) ciklusa studija po Bolonji ili Rješenja o priznavanju visokoškolske kvalifikacije, ako je stečena u inostranstvu),
- Bibliografiju (priložiti: radove, udžbenike, knjige, monografije i dr.),
- Ovjerena kopija dokaza o najmanje jednom provedenom izbornom periodu u prethodnom zvanju, u slučaju da se kandidat prijavljuje za izbor u zvanje vanrednog ili redovnog profesora,
- Dokaz o uspješno obavljenom mentorstvu kod izbora u odgovarajuće akademsko zvanje,
- Podaci o nagradama i priznanjima u vezi sa odgovarajućom naučnom oblasti, ukoliko ih posjeduju;
- Dokaz o originalnom stručnom uspjehu, kao što je projekt, patent ili originalni metod, zavisno od izbora u odgovarajuće zvanje,
- Dokaz o tri objavljena naučna rada/uspješnom vođenju projekta kao ekvivalentu, odnosno supstituciji za opravdano neispunjavanje uvjeta objavljene knjige/mentorstva u skladu sa članom 115. stav (2) Zakona o visokom obrazovanju („Službene novine Kantona Sarajevo“ broj: 33/17) i članom 203. Statuta Univerziteta u Sarajevu.

Kandidati za izbor višeg asistenta dostavljaju:

- Prijavu za koje mjesto višeg asistenta konkuriše uz obavezu navođenja priložene dokumentacije,
- Biografiju/životopis,
- Ovjerene kopije diploma matičnog fakulteta - odgovarajućeg studija za oblast na koju konkuriše (visoke stručne spreme i naučnog stepena magistra ili ovjerena kopija diplome I (prvog) i II (drugog) ciklusa studija) ili Rješenja o priznavanju visokoškolske kvalifikacije, ako je stečena u inostranstvu,
- Ovjerenu kopiju uvjerenja o položenim ispitima na diplomskom i dodiplomskom studiju, odnosno dodatak diplomi I (prvog) i II (drugog) ciklusa studija,
- Ovjerena kopija dokaza o provedenom izbornom periodu u zvanju asistenta.

Svi kandidati, pored navedenih dokaza, dostavljaju originalni izvod iz matične knjige rođenih i uvjerenje o državljanstvu Bosne i Hercegovine ili ovjerene kopije navedenih dokumenata.

Svi listovi Prijave sa priloženom dokumentacijom, osim radova, udžbenika, knjiga, monografija i sl. moraju biti čvrsto uvezani, sa numerisanim stranicama i parafirani od strane kandidata.

Napomena: Biografiju/životopis i bibliografiju treba dostaviti i u elektronskoj formi na CD-u. Konkurs/natječaj ostaje otvoren 15 dana od dana objavljivanja. Prijave slati na adresu Prirodno-matematički fakultet Univerziteta u Sarajevu, ul. Zmaja od Bosne br. 33/III, putem pošte (sa naznakom za konkurs i koje mjesto) ili direktno na Protokol, soba 319/III (visoka zgrada). Bliže informacije se mogu dobiti na telefon: 033/723-738.

Neblagovremene i nepotpune prijave neće se uzeti u razmatranje.